



Broj: 05-16-4-10339-6/17
Sarajevo, _____.2017.godine

Na osnovu člana 69. stav (2) tačka d) i člana 70. stav (1), (4) i (6) Zakona o javnim nabavkama Bosne i Hercegovine („Službeni glasnik Bosne i Hercegovine“ broj: 39/14), ministar pravde Bosne i Hercegovine, d o n o s i

ODLUKU
o poništenju postupka javne nabavke

I

Poništava se postupak javne nabavke auto guma u skladu sa članom 69. stav (2) tačka d) Zakona o javnim nabavkama Bosne i Hercegovine, jer nijedna od primljenih ponuda nije prihvatljiva.

II

Postupak nabavke iz tačke I ove odluke se poništava, odluka stupa na snagu danom donošenja.

Obrazloženje

Ministarstvo pravde Bosne i Hercegovine je 14.11.2017.godine pokrenulo konkurentski postupak nabavke auto guma, izvršilo objavu nabavke na portalu javnih nabavki Agencije za javne nabavke Bosne i Hercegovine www.ejn.gov.ba 16.11.2017.godine i uputilo pozive ponuđačima na tri različite adrese.

U ostavljenom krajnjem roku za dostavljanje ponuda pristigle su ponude od sljedećih ponuđača:

1. UNITRADE d.o.o. Ljubuški, Bana Jelačića bb, 88 320 Ljubuški
2. M.R.M. d.o.o. Ljubuški, Put za Međugorje bb, 88 320 Ljubuški.

Komisija za javne nabavke Ministarstva pravde BiH je izvršila analizu i procjenu dokumentacije uz pristigle ponude i utvrdila da dostavljene ponude ponuđača UNITRADE d.o.o. Ljubuški i M.R.M. d.o.o. Ljubuški ne zadovoljavaju uslove utvrđene tenderskom dokumentacijom te da se kao takve smatraju neprihvatljivim ponudama.

U pogledu ponuđača UNITRADE d.o.o. Ljubuški Komisija je konstatovala da cijena pristigle ponude u iznosu od 23.806,23 KM bez PDV premašuje procijenjenu vrijednost nabavke utvrđenu tačkom 2.1.2. tenderske dokumentacije, u iznosu do 21.367,52 KM bez PDV-a. Nadalje, Komisija je konstatovala da navedeni ponuđač nije dostavio podatke o: a) imenu i sjedištu ponuđača, a za skupinu ponuđača podatke o svakom članu skupine ponuđača, kao i jasno određenje člana skupine koji je ovlašten zastupnik skupine ponuđača za sudjelovanje u postupku javne nabavke, za komunikaciju i za zaključivanje ugovora i b) datum ponude. U skladu sa tačkom 8. tenderske dokumentacije navedene podatke ponuda mora da sadrži.

Slijedom navedenog, a budući da je članom 68. stav (4) tačka i) Zakona o javnim nabavkama propisano da je ugovorni organ dužan odbaciti ponudu ukoliko ista nije potpuna i ne ispunjava zahtjeve iz tenderske dokumentacije, Komisija je konstatovala da se ponuda ponuđača UNITRADE d.o.o. Ljubuški odbacuje.

U pogledu ponuđača M.R.M. d.o.o. Ljubuški Komisija je konstatovala da cijena pristigle ponude u iznosu od 28.404,00 KM bez PDV-a premašuje procijenjenu vrijednost nabavke utvrđenu tačkom 2.1.2. tenderske dokumentacije, u iznosu do 21.367,52 KM bez PDV-a. Nadalje, Komisija je konstatovala da navedeni ponuđač nije dostavio validan ugovor o zastupništvu ili neki drugi ekvivalentni dokument, u originalu ili ovjerenj kopiji, na jednom od službenih jezika u BiH, da je ponuđač generalni zastupnik ili ovlašten trgovac za prodaju auto guma za koje je dostavio svoju ponudu, a što je uslov propisan tačkom 3.1.3.1.b) tenderske dokumentacije. Navedeni ponuđač je, kako sastavni dio ponude, dostavio „Ovlaštenje ponuđaču od strane ovlaštenog dilera roba“ izdato od strane UNITRADE d.o.o. Ljubuški, kojim se ponuđač ovlašćuje da dostavi ponudu i nakon toga potpiše ugovor sa ugovornim organom/naručiocem za robu koju davalac predmetnog ovlaštenja ovlašteno prodaje. Dakle, u konkretnom niti je riječ o ugovoru o zastupništvu niti o drugom ekvivalentnom dokumentu. Komisija dalje konstatovala da navedeni ponuđač nije dostavio potpisan i ovjeren od strane ovlaštene osobe ponuđača detaljan opis ponuđenih guma sa pozivom na službenu web stranicu proizvođača (linkovi) i naznačenom pozicijom pojašnjenja u dostavljenom katalogu, a što je uslov utvrđen tačkom 3.1.3.1.c) tenderske dokumentacije.

Slijedom navedenog, a budući da je članom 68. stav (4) tačka i) Zakona o javnim nabavkama propisano da je ugovorni organ dužan odbaciti ponudu ukoliko ista nije potpuna i ne ispunjava zahtjeve iz tenderske dokumentacije, Komisija je konstatovala da se ponuda ponuđača M.R.M. d.o.o. Ljubuški odbacuje.


Komisija je dalje konstatovala da je tačkom 2.1.6. tenderske dokumentacije propisano da se za predmetnu nabavku predviđa e-aukcija u skladu sa Pravilnikom o uvjetima i načinu korištenja e-aukcije („Službeni glasnik BiH“ broj: 66/16).

Članom 3. stav (1) Pravilnika o uvjetima i načinu korištenja e-aukcije propisano je da prije zakazivanja e-aukcije ugovorno tijelo u sistem e-nabavke unosi sve prihvatljive ponude. Budući da u konkretnom slučaju nije pristigla niti jedna prihvatljiva ponuda e-aukcija se ne može niti zakazati niti održati.

Shodno naprijed navedenom, Komisija je u skladu sa članom 69. stav (2) tačka d) Zakona o javnim nabavkama, kojim je propisano da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva, preporučuje ministru pravde Bosne i Hercegovine da donese Odluku o poništenju postupka nabavke auto guma.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavki i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od 5 (pet) od dana kada je primio odluku, odnosno obavještenje o poništenju postupka.



Prilog:
- Zapisnik o ocjeni ponuda.

Dostaviti:
- Ponuđačima u postupku (x2),
- a/a.